

आयु स के आन्ना खेम्मीमामी लागी मीम खानावाँ लाटेडुडु। ग आयुए खानावाँ कानी याऱमी चोपनमी लागी ह। नुर वाऱ्हीसी भने ग खानावाँए कानीमी हीङ्गामा न स हीङ्चामीऱ्हीकु। आक्क खानावाँ चै माङ् र कामानुङ् आयु के आन्ना लोखानी।

कानीए मीन मीऱलाहीसीनी की चोपबाङ् याऱल कानी याऱमी मान्दऱमा लेटीहा हला कामानुङ्। आचेला कानी चोपन याऱमीची काटीकी की कानी याऱमी पुबाङ् हाङ् खौई माङ् ह माङ् बाङ् कानी याऱमी लीडीहा ह। कानी याऱमी टेः हेऱने ईग बाखाटेम आक्खा युटा हाःखुबा सान्केन्माची हाङ् पाप्पाला, हाङ्के लैन्टा हाखुबा नाम ईघा चोपन माङ् पारा हाबाङ्के लीटाडे हला कामानुङ् कानीए काम्पुर लेन मालेटी। कानी याऱमीची गरऱमा लेकी, चैबानए खानावाँबी सेऱलन नीवाँयुङ् लेहीसीनी टर हुन्नाहा खानावाँबी एट्टान छीट नीवायुङ् लेःईकी। आक्रहाङ्गन ईग बाखाटेम, पाप्पाला, सान्केन्मा , नाम् हाङ् कानीए खाङ्गीकीहा हाङ् मीऱलाहीकीहा चोपन ठका , हाङ् कानी याऱमी न सङ्क नीवाँहाङ् ए चोपबाङ् याऱल मुमीम्पा खानावाँ चैँ चैबानए ह। मान्ठाभने नीवाहाङ्मी साऱ्चीराबी गरहाङ् साऱ्डा, "चोपबाङ् याऱल नीवाँहाङ्के नाम्फलीऱ्वा हाङ् बाखाटेम् मुसु।" कानी याऱमीचीए चैबानए खानावाँबी सेऱलन नीवायुङ् लेटीनी। मसे चोपबाङ् याऱल नीवाहाङ्के न ईघा चोपन ठका मुमीम्पा खानावाँबी स नीवायुङ् लेटीनी टर हुन्नाहा खानावाँबी चैँ नीवायुङ् लेकी। नीवाहाङ्के चोपबाङ् याऱल मुमीम्पा याऱमी कानीमी टुबालाबा आडाम नुङ् हब्बाए हीङ्वा लेऱमीम्पासे कानी सालुङ्पी सीखेखुबा हीङ्गामा पीडी। आक्क सीखेखुबा हीङ्गामा टक्चामाबाङ् याऱल खोची नीवाहाङ्गनुडन पेन्युकसाची हाङ् यामुयुक्साची टर आडाम नुङ् हब्बाँए नीवाहाङ्मी चैबानए खानावाँ चेम्मानुङ् एक्क पुसेऱमामी काईसे हाङ् हुन्नाए खानावाँ खेम्मीम्पासे नीवाहाङ्के कानीमी टुबालाबा आडाम नुङ् हाब्बा खोमी डारीङ्बाङ् यीगहाङ्गसु मसे आयु कानी नुङ् स नीवाहाङ् सोरी माआ। खो पारुबी पेनुऱ। नीवाहाङ् ईरक्ल स कानीनुङ् खो खोमी साऱ्चीरा बाङ् यामुऱ, खोसे हस कानी लोढ्याङ्डी " काम पासाची काबी एन्टाआने। आक्क सालुङ्बी सीखेखुबा हीङ्गामा बीऱन के हीङ्वा लेडुङ् कामानुङ् खासीमानुङ् काबी नीवायुङ् लेटाने हाङ् पारुबी हानाम्स आसीखेखुबा हीङ्गामा टक्काम्नी।" कानी याऱमीचीए ग लोमीम्पा खानावाँ स हुन्नाए ह मीनुकी टर हेऱने ग खानावाँ चैबानए ह। मान्ठाभने नीवाहाङ्मी साऱ्चीराबी न साऱ्डा; " सेङ्सेडे लावाए काम्पुर इकु,

डेङ्पीऐ लःबी ऐऱवा याऱमीचीऐ चाइबानऐ नीवाँयुङ् याइकुची। हाङ् खोची बोःरु काइसे लावा पोऱ्टा ऐन्खेःऱमी हाङ् हुऱ्नाहा खानावाँ खेम्कुची। आकरक्मा खानावाँ चाइ ढाटु बङ्चाखुबाचीबाङ् टाः। मान्ठाभने काइसे नुङ् काम्नुऐ फाकमे उम्ची नीवाँ नः सीःखेसीम्पा लीः।" नीवाहाङ्मी साप्चीराए लोसीन्टऱन कानी ईरक् बेला कानीए लेऱमा लेए कानीमी चैबानए नीवायुङ् चै याईडी।कानी काईसे लवाबी खाईडी हाङ् काईसे लवाए माङ् लेटे लोकी आक्कन लेऱमे सीकी। कानी गरऱमा मान्ठा लीडीडा भने कानीमी टुबालाबा आडाम नुङ् हाब्बा न एक्क काईसे नीवाँए बङ्सीम्पा लेटु। हाङ् ईघा चोप्न काईसे खानावाँ ढाटुबङ्चाखुबाचीबाङ्न टाएछ कामानुङ् नीवाहाङ्मी साप्चीराबीऱन साण्डा। साप्चीराबी साप्मीम्पा रक्मान इरक् बेला कानीबी लीमे पाई। कानीए चैबानए नीवाहाङ्मी खानावाँबी चैँ नीवायुङ् मालेटीटी टर साप्चीराबी साप्मीम्पा रऱमान होईढा काइसे खानावाँबी नीवायुङ् लेढचाङ्डी। कानी याऱमीची खोसे मुमीम्पा ह ग कानीए खासीमान लेऱः हाङ् कानीए खोसे लोमीम्पा रक्मान खोम योम्पक मुमा लेऱ। गर काढाङ्मार के एक्क मीःछुऱमा काठा ईमा मीढानी। काठा ईमाबाङ् याऱल एक्क साम् खेम्मा.....।

एक्क डीरीक चासुम्टाङ्पामी खीम्पी हीप्पा योम्पक मुखुबाची चुआची। आक्खाची खीम्पीए टुङ्ङपा खीम्पीन लीर ढारी ग टुङ्ङपाए लोसीन्टऱन चोप्न योम्पक मुःढचाङ्चुक्साची हाङ् खोसे लोमीम्पा चोप्न खानावाँ खासीसे नुर पाईयुक्साची। ईऱया आक्क खीम्पीए टुङ्ङपा खोमी खीम्बाङ्गे खो हानाम एन्टाऱए लोमे खानावाँ आक्खा हीप्पा योम्पक मुखुबाची मालोरे म नुर योम्पक मुऱयाकाम्नो कामानुङ् खोसे आक्खाची डीरीक लः ढारी चामा खेखुबा याङ् पीङ्गाउची हाङ् टाङ्पामी याऱमीचीबी खाईहाङ्सा।

ह आक्क खीम्पी हीप्पा योम्पक मुखुबाची टेऱन लीसाची। एक्क हीङ्घी डीनी ग हिप्पे न काम्नुर योम्पक मुसाचु। टर डेङ्डेङ्पी एक्क योम्पक मुखुबाए चैँ होईढाचीम् खानावा खेम्टासे नुर योम्पक मामुबका। होईढा याऱमीचीए आक्क योम्पक मुखुबा आनामी टुङ्गाङ्पा ह डीरीक नीङ् खीम्पी टानी कामानुङ् खेम्मीमीम्पा लेटुची मसे आक्क एक्क योम्पक मुखुबे होईक खोम लाङ्गाम्स योम्पक आमुसे कामानुङ् लोयुक्सु। एक्क योम्पक मुखुबा चैँ नुर न योम्पक मुढचाङ्सा टर होईक चै योम्पक स मामुरे हाबीग हाबी वाइचाटीयुक्सा।

ईत्या आक्ख खीम्पीए टुङ्गुपा खीम्पी टाआ। खीम्पी टामार एकू योम्पक मुखुबा चैँ काम्नुर खीम्पीन पेन्से योम्पक मुढाङ्पा लैटा टर होईक योम्पक मुखुबा चैँ खीम्पी डीबु राक्सी डुङ्मानुङ् पेन्ढाङ्पा भेट्टकु। आक्रकमा खाङ्सीटु हाङ् आक्ख खीम्पीए टुङ्गुपाए आक्ख काम्नुर योम्पक मुखुबा चैँ खोम खीम्पीन पासा रक्मान लैमानुङ् योम्पक स मामुमीसे काम्नुर युडु। टर होईक योम्पक मुखुबा चैँ खोबी चुहा चोप्न याङ् स डाब्लहाङ्मानुङ् खीम्बाङ्के लबहाङ्सु।

पा मा हाङ् बु नानुसाची ग बाखाटेम् नीवाहाङ्मी खीम् ह। मान्ठाभने ईग बाखाटेम खोसे न मुमीम्पा ह। हाङ् कानी ग बाखाटेम्पीहा चोप्न यात्रमीची ग खोमी योम्पक मुखुबाची टेन ह। खीम्पीए टुङ्गुपा खीम्पी आलीमार ग आसेस आक्ख टुङ्गुपा माए खीम काम ह कामानुङ् लोहीकु टर आक्ख खीम्पीए टुङ्गुपा टा: हाङ्के आक्ख काम् खीम ये लोखुबा माङ्स काहीनी मान्ठाभने आक्ख खीम खोमी हेन हेने। गरहाङ्न ग बाखाटेम् नीवाहाङ्ए मुसु हाङ्सङ्क होईकसे न मुडुए ह कामानुङ् कानी यात्रमीची काटीकी टर नीवाहाङ् टा: हाङ्के कानी आसास आक्रकमा काहीसीनी। मान्ठाभने ग बाखाटेम नीवाहाङ्ए मुमीम्पा ह। हाङ् ग बाखाटेम्पी कानी यात्रमीची नीवाहाङ्ए काम्नुर योम्पक मुसाने कामानुङ् कानी खोमी योम्पक मुसी याईडाडी। खो हानाम टाए कामानुङ् कानीए लेसीनी मसे काम्नुर योम्पक मुसे पेनीये। खो टानी कामानुङ् काम्नुर योम्पक मामुसी भने हाङ् खो टामार काम्नुर योम्पक मामुढाङ्पा खोसे कानी भेट्टकी भने कानी स आक्ख टुङ्गुपाए आक्ख काईसे योम्पक मुखुबा खोमी खीम्बाङ् लबहाङ्मीम्पा रक्मान खोमी हाङ्डाङ्बाङ् कानी लबहाङ्कीहाछ।

मसे आयु बाङ्न कानीए काईसाहा लाम्फु याईमानुङ् काम्नुए लाम्फु लाम्दुम्सीये। नीवाहाङ् टामीम्पा बेला खोसे कानी काम्नुर खोमी योम्पक खोमी नीवायुङ् नुङ् मुढाङ्मीम्पा भेट्टकी भने काठाबी ए टुङ्गुपाए आक्ख काम्नुर योम्पक मूढाङ्गुबा खोम पासा मुमानुङ् खोमी खीम्पी युङ्मीम्पा रक्मान नीवाहाङ्ए स कानी खोम पासा रक्मान लेसे पारुबी लाखेकी। ईमाहा खानावा ग डीरीक चु: टर ल: ए का आयु स आनाम याम्मे ल: लुक्खारा कामानुङ् लोमे पाईडा। आयु के लोमीम्पा ईघा चोप्न खानावाँ ग आत्रे वाप्सीडाम्नी कामानुङ् के लेकुङ्। मसे आयु बाङ् न कानी स नीवाहाङ्मी योम्पक काम्नुर खो नीवायुङ् लैमानुङ् मुढ्याङ्सीये हाङ् खो टा:ए डेङ्पी खोमी पासाचीर लीमानुङ् खोम खीम्पी खारीये। ईर कामानुङ् का होईखेपास

आन्ना ईरकमान नुए नुए खानावाँ खेम्मीस्सी टामे चुप्लाङ् हीग्मानुङ् आयु चैँ का खाईटीङ्।
काम खानावा खेम्पीरमीम्पामी लागी ओहाक।